

## Cussagl da cumün

Protocol nr. 18 da ls sezzüda dals 24 november 2009

### **Innaiver e sauaziun, aual Grond**

Il geolog sar Matthias Merz orientescha al Cussagl sur dals resultats da la masüraziun da l'aual Grond. I sun gnüdas fattas masüraziuns periodicas d'ürant ün on e duos jadas esa gnü fat provas cun culur. I's po dir cha l'effet saja cler e cha las funtanas reagischan svelto e ferm sün müdamaints idrologics. Ils resultats da las provas demuossan cha'l cumün possa discuter e trattar davart ün'eventuala concessiun per l'aua da l'aual da Clünas d'ürant tschertas periodas. La quantitü d'aua pel provedimaint dal cumün sto in mincha cas esser garantida eir a lunga vista ed avair prüma prioritü. La societü da meglioraziun dess inoltrar la dumonda concreta quant'aua ch'ella dovra per lur proget da sauaziun.

### **Institut otalpin, permiss d'ustaria**

D'ürant las vacanzas da scoula dÜ l'Institut alloggi a gruppas ed a giasts. Per quai ston els avair ün permiss d'ustaria. Il Cussagl conceda il permiss d'ustaria a duonna Sibylla Pedrini. La taxa per quel vain fixada sün fr. 300.--.

### **Otto e Rut Plouda, garascha**

Il Cussagl conceda il permiss per construir üna garascha da la vart vers nord da lur parcella nr. 2767 in Tanter Auas.

### **STWEG Bügl Sura 24, s-chala**

Ils proprietaris in condomini "Bügl Sura 24" han survgni il dret per eriger la s-chala chi maina da l'entrada da lur chasa sÜ illa via da Funtanas per part sül terrain dal cumün da vaschins (parcella nr. 302). Il Cussagl conceda il permiss culla resalva cha'l cumün nu surpiglia ingüns cuosts per refar la s-chala in cas da lavuors da s-chav pels cabels electrici chi passan in quel lö.

### **Parkegi in cumün**

Il Cussagl es da l'avis cha l'idea per eriger ün parkegi in Val Forada dessa gnir cuntinuada. Perquai deliberescha el ün credit da fr. 3'800.-- incl. IPV per laschar svilupar inavant las ponderaziuns da fin uossa al büro da planisaziun Stauffer & Studach da Cuaira.

### **Societü da musica, festa da giubileum**

In occasiun da la festa da giubileum ha la Societü da musica s-chaffi üna cronica. Ella dumonda al cumün per ün sustegn finanziel da fr. 400.-- per la stampa da la cronica. Il Cussagl sustegna la dumonda.

### **Sendas, signalisaziun**

Il Cussagl decida dad adattar la signalisaziun da la Cumünanza grischuna per sendas (BAW) e d'agiundscher ils seguaints tragets:  
Davovaina - Nalains, Prada da Clünas - Murtaröl - Prui Sura ed Ognas Sura - Prasüras.

La signalisaziun dal traiget Salez - Nalains dess gnir allontanada causa cha la senda maina da Davovaina a Nalains inavant vers Flöna.

### **Zonas da pos, persuna da controlla**

Il district da chatscha X propuona al Cussagl dad eleger a sar Jon Steivan Morell sco persuna da controlla da las zonas da pos. Il Cussagl va daperüna culla proposta ed

approvescha eir il quadern da dovairs dal controllör. Plünavant decida il Cussagl da publicar il plan da las zonas protettas i'l mas-chalch.

### **Pro Engiadina Bassa, profil da spazi**

La PEB ha tramiss als cumüns il “profil da spazi per l'Engiadina Bassa” in fuorma d'üna consultaziun. I's tratta d'ün manual pel svilup dal territori da la regiun chi dess:

- fixar ils böts da la regiun a regard il svilup dal territori;
- definir l'ulteriura actività da la planisaziun regiunala;
- fixar la basa per otrs chomps da masüras e da progets d'importanza regiunala sco eir regular cumpetenzas e proceduras;
- s'exprimer sur da la coordinaziun dals differents chomps d'actività sün basa regiunala.

Il Cussagl es per gronda part perinclet culla consultaziun da la PEB.

### **Immundizchas, fermativas**

Ils lös per las fermativas da las immundizchas han dat andit a discussiuns. Il respunsabel per las immundizchas ha gnü üna sezzüda cun plüs affarists chi vaivan fin uos-sa üna fermativa davant lur gestiun. Lur proposta es, cha'l camiun svöda ils containers davant lur affar. Il Cussagl es pront da revgnir sülla decisiun dals 6 october e decida da spordscher fermativas implü sülla ruta, però be per containers d'affars e quai ourasom Sainas, pro l'Hotel Bellavista e pro l'Hotel Engiadina. Per quist servezzan han els da pajar üna taxa chi vain fixada dal Cussagl. Quists lös da fermativa suplementars sun limitats fin al mumaint chi vegnan fats ils contrats novs da l'allontanamaint da la PEB (in ca. 3 - 4 ons).

Il capo: sig. Reto Pedotti

L'actuar: sig. Andri Florineth

publichà als 01/12/2009